



Inâkonigewin 2005 Kâwin Sagaswâniwanzinôn Ontario-ng Inâkonigewin Ke-dôdâgemagak: Âkoziwogamigôn

Netamisingin

- Inâkonigewin Kâ'n Sagaswâniwanzinôn Ontario-ng kada-mashkawazîchigâde 31, Wâbigon Kîzis 2006.
- Inâkonigewin inazinâde kibahigâdeg sagaswewin ondemitâwigamigokâg ashidj ked-iji-mânenâniwang Ontario-ng. Mî iye kidji-wîdokawenimindwâ ega segaswâdjig chega opanâdamowâdj kodag âwiweg obatem.

Ondje awegwendog pemâdizidj, tebenindâgok, ashidj oshtigwânâpinewin âkôziwigamigôn

Kâwin sagaswâniwanzinôn pîndigamig pimâdizîkâg konima kaye pîndigamig endaji-ondamitâniwang, enazinâdeg inâkonige-mazinahiganing section 9(1) Kâwin Sagaswâniwanzinôn Inâkonigewin, Tebenindâgokin Âkoziwogamigôn Inâkonigewin, konima kaye Oshtigwânâpine âkoziwogamigôn mezinâdeg Oshtigwânâpine Pimâdiziwini-inâkonigewin.

Ashidj igodj kaye, kâ'n adâwâniwisî nasemâ onon âkoziwogamigôn.

Wîn odayân âkoziwogamig kidji-atawâdj eyâkozinindjin konima kaye wendemitânindjin segaswânindjin sagaswekân ega awashamej *nîj âsamâtigôn ashidj kidji-apakwâdeg*.

Âkoziwogamigôn Odibisitwâwiniwân

Kakina mayawosedjig mâmakâdj:

- Ke-gikenindamônâwâdj anôndâganan, eyâkozidjig, pâmawadishiwedjig ega sagaswenâniwang.
- Ked-akonamowâdj âtawechige-onâganan konima kaye kodagan ked-inâbadakin.
- Kidji-gikenindamôkîdj ondjidâ igodj kidji-ega-âwiweg sagaswesîg endaji-ondamitânâniwang.
- Ondjidâ igodj kîshpin ânawetâgodj pemâdizidjin mâmakâdj ke-zâgahâminidj 'indaje ondamitâwining.
- Ke-baba-ayagôdôdj *Kâwin Sagaswenâniwanzinôn* tibâdjimozinahiganan endaji-bîndigenâniwang, sâgahaminâniwang, ijâwining, ashidj kodaging kidji-wâbandjigâdeg. Kîshpin wî-nanda-gikenindaman wendanigâdeg tibâdjimozinahiganan kanôj mino-bimâdiziwin kejjigâbandangik.

Âbadizidj Nasemâ ondje Anishinâbeg obimâdjiwowniwâ ashidj odibahigewiniwâ

Apîch kagwedwedj Anishinâbe ebidj 'indaje, peminâjahang âkoziwogamig mâmakâdj pejig abinâs ked-eshôwinang pîndigamig kidji-inâbadjitôdj iya Anishinâbe ebidj âkoziwogamigông nasemân sakawâdj ondje obimâdjiwowni konima kaye odibahigewin.

Mashkawizîchigâdeg

Wâkâhî Mino-bimâdiziwin kejjigâbandangik odayânâwâ kidji-nôsinehigâdeg inâkonigewin.

Ked-ayindidj

Kâwin tagwanzinôn ked-inigokwâgoban kîjikâzowin ondje iyo inakâg, wâ-ikidômagak tibâkonigewin-inî odayân kidji-ikidodj ked-inigokânig. Pemâdizidj konima odayân nanâj igodj \$5,000.00 enigokwânig kîjikâzowin.

Awaso tibâdjimozinahigan tidâtibî-nandwânikewin eta kada-inâbadad. Kîspin kîyâbadj wî-nanda-gikenindjigen, enâbigis kanôj mino-bimâdiziwin kejjigâbandangik.

Konima kaye 'ondaje madwesidjiganing kidâ-ondinân wî-nanda-gikenindaman kego:

- **INFOLINE** 1-866-396-1760
- **TTY** 1-800-387-5559

Taso-dibahiganeg ke-jesing: Metisonî-gîjjigak ako Chîbayâtigo-gîjjigak, 8:30 kigijeb ako 5:00 onâgoshig.

Kîshpin kîyâbadj wî-nanda-gikenindaman Inâkonigewin Kâwin Sagaswâniwanzinôn Ontario-ng, enâbigis andonan Ontario of Health Promotion mizimizide-nanda-gikenindjigewining:

www.mhp.gov.on.ca/english/health/smoke_free/legislation.asp.

Wâbigon Kîzis 2006